

Slide Rock Ladies

Refrain:

Mi send die Slide Rock Ladies, dahoim en St. Johann.
Bloichstetta isch der Ortstoil, do, wo's mit ons begann.
Slide Rock heißt Rutschafelsa uff Englisch iebersetzt.
Falls ihr des no ed gwisst hent, no wisset ihr des jetzt.

Strophen:

1.

Für ons send d'Rutschafelsa a ganz besondrer Ort.
Do isch so schee, mir wellat von do ao gar ed fort.
Wer do wohnt, ka viel spara, an ganza Haufa Geld,
mir brauchet niea wegfahra, weil ons do gar nix fehlt.

2.

Von alle tolle Flecka uff dera graoße Welt
hot d'Alb de schönste Eckka, wo's ons am beschda g'fällt.
Es isch en onsrer Hoimet so wonder-, wonderschee,
drom brauchet's om hier zu leaba ao wirgliche ed viel meh!

3.

Mir sengat onsre Lieader mol gmieatlich ond mol frisch.
Des kommt halt ganz druff a, wiewa grad onser Stimmung isch.
Bei so viel Fraua-Power, do brauchet mir koin Ma.
Mir sengat lieber selber, ond er stoht vorna dra.